



Registrovana udruženja građana i fondacije ostvaruju materijalnu podršku isključivo putem projekata kojim se javljaju na raspisan Javni poziv Općine Goražde. Učešće u pozivu za predaju prijedloga projekta je otvorena na jednakim osnovama za sva pravna lica neprofitnog karaktera registrovane na području Općine Goražde, u skladu sa postojećim zakonskim propisima (udruženja ili fondacije). Odlukom o kriterijima, načinu i postupku dodjele finansijskih sredstava za nevladine/neprofitne organizacije Općinsko vijeće i Općina Goražde se opredjeljuju za jednu vrlo javnu i transparentnu proceduru dodjele finansijskih sredstava što predstavlja jasan iskorak ove lokalne zajednice i nevladinog civilnog sektora u pravcu izgradnje povjerenja između predstavnika lokalne zajednice i nevladinog civilnog sektora. Opredjeljujući se da da finansijska sredstva dodjeljuje putem javnog konkursa koji se raspisuje najmanje jedanput godišnje Općina Goražde je svijetli primjer transparentnosti i javnosti dodjele finansijskih sredstava nevladinom civilnom sektoru.

- [BAZA PODATAKA NVO](#)

-

## [SPORAZUM IZMEĐU OPĆINSKOG VIJEĆA, OPĆINSKOG NAČELNIKA NEVLADINIH/NEPROFITNIH ORGANIZACIJA IZ GORAŽDA](#)

- [ZAKONA O UDRUŽENJIMA I FONDACIJAMA BOSNE I HERCEGOVINE](#)

Na temelju opredjeljenja i interesa Općinskog vijeća, Općinskog načelnika i nevladinih /neprofitnih organizacija iz Općine Goražde za uspostavu institucionalne i uspješne saradnje na principima međusobnog poštovanja i uvažavanja, u cilju angažmana u razvoju lokalne zajednice potpisan je Sporazum 20.10.2005. godine. Sporazum između Općinskog vijeća, Općinskog načelnika nevladinih/neprofitnih organizacija iz Goražda predstavlja nedvosmisleno opredjeljenje da, dugo vremena podržavani rad i razvoj nevladinog sektora na svojoj teritoriji, formalizuje kroz Sporazum i uspostave, na osnovu zajedničkih vrijednosti koje ostvaruje nevladin i javni sektor, jasne, efikasne i transparentne procedure međusobne saradnje i partnerstva.

## UDRUŽENJA I FONDACIJE

Uslovi i postupak za osnivanje, unutrašnju organizaciju, registraciju, prestanak rada udruženja i fondacije, kao i druga pitanja od značaja za slobodno i dobrovoljno udruživanje građana i pravnih lica regulisano je zakonima o udruženjima i fondacija, zavisno od područja djelovanja.

- Zakon o udruženjima i fondacijama Bosne i Hercegovine («Službeni Glasnik BiH» broj 32/01)
- Zakon o izmjeni Zakona o udruženjima i fondacijama Bosne i Hercegovine ( "Službeni glasnik BiH" broj 42/03)
- Pravilnik o načinu vođenja registra udruženja i fondacija BiH i stranih međunarodnih udruženja i fondacija i drugih neprofitnih organizacija. ("Službeni Glasnik BiH" broj 9/02)
- Zakon o udruženjima i fondacijama Federacije Bosne i Hercegovine ("Službene novine Federacije BiH" broj 45/02)
- Pravilnik o načinu vođenja registra udruženja i fondacija i stranih i međunarodnih nevladinih organizacija ("Službene novine Federacije BiH" broj 61/02)

Udruženje i fondaciju mogu osnovati najmanje tri fizička lica koja su državljani Bosne i Hercegovine ili u njoj imaju boravište ili tri pravna lica registrovana u BiH.

Udruženje i fondacija se osniva na osnivačkoj skupštini na kojoj se donosi:

- osnivački akt
- statut
- imenuju organe upravljanja

Zahtjev za upis u registar udruženja i fondacija podnosi se na propisanom obrascu nadležnom organu za registraciju.

Upisom u registar kod nadležnog ministarstva, udruženje i fondacija stiče svojstvo pravnog lica.

## UDRUŽENJE I FONDACIJE UPISUJU SE U REGISTAR

u zavisnosti od područja djelovanja:

- Na području Bosne i Hercegovine - kod Ministarstva pravde Bosne i Hercegovine, Obala Kulina Bana 1, Sarajevo
- Na području Federacije Bosne i Hercegovine - kod Federalnog Ministarstva pravde, Valtera Perića 1, Sarajevo
- Na području BPK Goražde - kod Ministarstva pravde Kantona Goražde, Višegradska 2, Goražde